



НУТҚ ЛИНГВИСТИКАСИННИҢ ЎРГАНИШ ОБЪЕКТИ ХУСУСИДА

Хайруллаев Хуршид Зайнисевич,
СамДЧТИ профессори, филология фанлари доктори

Калит сұзлар: нутқ бирлиги, нутқ сатқы, нутқ лингвистикасы, иерархик муносабат, гап, жумла, мураккаб синтактика курилма, мати, макро ва микро мати, абзаң.

Гапнинг нутқ бирлиги эканлиғи бугунғы кунда синтактик курилмалар таҳлилига бошқача ёндашишни такозо этади. Нутқ лингвистикаси эса тильтуносликнинг алохидасы сифатида эндигина оёққа түрмөкда [Савченко А.Н.: 1986. 62-73]. Шу боис уннинг том маънодаги таҳлил үсуллари ҳам ҳали ишлаб чиқилгани йўқ. Одатдаги синтактик таҳлил үсули, албатта, фаннинг бугунғи ютукларига таяниб қаралганда нутқ материали учун яроксизdir. Демак, хозирги тильтуносликда нутқ бирликлари таҳлили үсулларини илмий асослаш кечиктириб бўлмайдиган ўта долзарб масалалардан биридир. Фикримиз далилини Ю.В. Ванниковнинг куйидаги сўзларида кузатиш мумкин: «Понятие предложения как предмета лингвистического исследования может быть сформулировано лишь после решения вопроса о принципах лингвистической организации речевого материала, о соотношении различных аспектов его организации» [Ванников Ю.Н.: 1979. 12.]

Шуни алохидада таъкидлаш лозимки, нутқ бирликлари ва уларни белгилаш масаласи тильтунослигимизда тадқикотлар кун тартибига ҳали ҳам том маънода қўйилгани йўқ, мавжуд баъзи ишларда эса масала тавсифи чегараси гапнинг синтактик таҳлилидан нари ўта олмаяпти. Тўғри, гап нутқ бирлиги сифатида алохидада сатхни ташкил этади. Бирок нутқнинг гапдан катта бирликлари ҳам мавжуд бўлиб, уларнинг ҳар бири нутқнинг лингвистик табиати нутқати назаридан изохланмоғи лозим деб ўйлаймиз.

Равшанки, тил бирликларининг иерархик муносабати конунияти тилнинг нутқда реал қўлланишини таъминловчи

асосий омилларни белгилаб беради. Бу соҳада, масалан, фонемалар морфема билан, морфемалар сўз билан, сўзниң гап билан иерархик муносабат ташкил этиши бобида бирор бир ғализлик ёки изоҳталаб масала кўзга ташланмайди. Лекин бунда фактат тил бирликларининг иерархик муносабатини кўрамиз. Иерархик муносабатнинг нутқда содир бўлувчи кейинги босқичи ҳакида эса тильтунослик адабиётларида, айрим тадқиқотлардан ташкари, хозиргача хеч кандай материал берилмади дейиш мумкин. А.Н. Савченконинг таъбири билан айтганда, сатх (уровен) ҳакидаги мавжуд назариялар фактат тилга асосланади [Савченко А.Н.: 1986. 71.]

Мавжуд назарияларда тил сатхи деганда фонематик, морфематик, сўз ҳамда гап сатхлари эътиборга олинади. Бироқ бу ўринда гапнинг тил сатхи саналиши ва бунда қўшма ҳамда мураккаб гапларнинг ҳам шу сатх таркибида бўлиши бугунғи кунда айрим эътироzlар келиб чиқишига сабаб бўлмокда. Бирчидан, гап тилнинг эмас, балки нутқнинг минимал бирлиги сатхини ташкил этади. Иккинчидан эса, «қўшма гап» ёки «мураккаб гап» терминлари ўзлари атаётган синтактик курилмалар лингвистик табиати билан мос келмаяпти. Шу боис ўз даврида А.М. Пешковский қўшма гап тушунчаси бир неча гапни бир гап деб атагани учун турли қийинчилликларга сабаб бўлаётганини тўғри таъкидлаган эди [Пешковский А.М.: 1956. 455-470]. Бунга Б. Турниёзовнинг куйидаги фикри орқали изоҳ бериш мумкин: «Дарҳақиқат, ҳар бир тил бирлигининг реал қўлланиши ўзидан катта бирлик оғушида амалга ошади. Демак, гапнинг фаоллашуви ҳам гап сатхидаги эмас, балки матн таркибида рўй



беради. Ана шу нуктаи назардан «күшма гап» терминининг неочглик тўғри ёки нотўғри эканлигини ўйлаб кўришга тўғри келади» [Турниёзов Б.: 7].

Кўринадики, тил ва нутқ бирликларини фарқламаслик нафакат сатҳ тушунчаси талқини учун, балки иерархик муносабат қонуниятлари тавсифи учун хам ўта иокулайлик туғдирмоқда. Аммо шундай бўлишига қарамай, таниқли тилшуносларнинг ҳам мазкур масалага жиддий эътибор бермаганликлари афсусланарлидир. Фикримиз далилини В.М.Солнцевнинг куйидаги мулоҳазаларида кўришимиз мумкин: «Предложения могут входить в сложные предложения или быть частями сложного синтаксического целого, или фразы» [Солнцев В.М.: 146.].

В.М.Солнцевнинг мазкур фикрида гап гапнинг ичиди фаоллик олиши мумкинлиги таъкидланмоқда, зотан, кўшма гап деганимизда ҳам биз гапни тушунамиз. Агар шундай холосага келадиган бўлсан, нутқ бирликларининг реал кўлланиши учун мухим бўлган иерархик муносабат қонуниятiga амал килмаган бўламиз. Бу ўринда, албатта, иерархик муносабат қонунияти «кўшма гап» термини доирасида бузилмоқда.

В.М.Солнцевнинг келтирилган фикрида эслатиб ўтилган «сложное синтаксическое целое» термини кўлланилганда эса иерархик муносабат қонунияти бузилмайди, чунки мураккаб синтактик бутунлик гапдан катта бирликни тақозо этади.

Кўшма гап тушунчаси ва унинг лингвистик мақомга эга эмаслиги масаласи Б.Турниёзовнинг номзодлик диссертациясининг мавзусини ташкил этди. Мазкур ишда муаллиф «кўшма гап» терминидан фойдаланишини маъкулламайди ва бу ҳақда куйидагиларни ёзди: «Кўшма гап» термини фанимиз тараккиётининг хозирги босқичида кўпчиликни қониктирмаяпти. Чунки «кўшма гап» тушунчаси тил бирликларининг иерархик (погонали) муносабати принципларининг бузилишига олиб келмоқда. М.В.Ляпон таъбири билан

айтганда: «Агар кўшма гап (мураккаб жумла) икки ёки ундан ортиқ (коммуникатив салмоқли) тугал фикр англатаётган хабарлар бирикувини такозо этар экан, унинг сатҳида матн ифодасининг жиддий белгилари кузатилади» [Турниёзов Б.Н.: 12.].

Ана шундан келиб чишиб, Б.Турниёзов «кўшма гап» термини ўрнига микроматн мақомига эга бўлган «мураккаб синтактик қурилма» терминини таклиф этади ва бу билан кўшилиш мумкин.

Мураккаб синтактик қурилма нутқда шаклланади ва икки ёки ундан ортиқ гапларни ўз ичига олади. Бу, албатта, унинг гапдан катта нутқ сатҳи эканлигидан далолат беради. Бундай қурилмалар умумий лингвистик мақомига кўра муштарак бўлсалар ҳам, семантик жиҳатларидан бир-биридан фарқланади: тенг компонентли мураккаб синтактик қурилмалар, тобе компонентли мураккаб синтактик қурилмалар. Бироқ, кандай номланишидан катъи назар, уларнинг ҳар бирида микроматн салмоғи кўзга ташланади. Албатта, бу ўринда микроматн тушунчасини нисбий деб билмоқ керак. Чунки матннинг бир сўз билан, сўз бирикмаси ҳамда мустақил гап билан ифодаланадиган турлари ҳам борки, улар ҳам энг кичик матнлар саналади.

Нутқнинг мураккаб синтактик қурилмалардан катта сатҳи абзацдир. Абзац ҳам нутқда шаклланади ва шу боис уни биз нутқ бирлиги тарзида талкин этмоқдамиз. Айни пайтда шуни ҳам айтиш лозимки, мураккаб синтактик қурилма ҳам, абзац ҳам ўз структур хусусиятига кўра нутқнинг минимал бирлиги – гапдан фарқ килади. Равшанки, гап структурасини тил бирликлари, хусусан, сўзлар мажмуаси ташкил этади. Мураккаб синтактик қурилма ҳамда абзац структураларини эса нутқ бирликлари шакллантиради. Бошқача айтганда, уларнинг қурилиш материали сифатида, асосан, нутқ бирлиги - гап фаоллик кўрсатади. Тўғри, абзацининг шаклланишида айрим нутқ мухитида мураккаб синтактик қурилмалар катнашиши ҳам кузатилади. Лекин бу, биринчидан, доимий эмас, иккинчидан,



мураккаб синтактик курилманинг ҳам курилиш материали гапдир.

Абзац ўз лингвистик макомига кўра мураккаб синтактик курилмадан бир погона юкори туради. Бироқ шуниси характерлики, мураккаб синтактик курилма камида икки гапнинг ўзаро боғланишидан ташкил топади. Абзац эса бир гапдан иборат бўлиши ҳам мумкин. Бу жиҳатларига кўра мазкур нутқ бирликлари сўз бирикмаси ва гап ўртасида мавжуд бўлган структур тафовутни такрорлайди.

Абзац неча компонентли бўлишидан катти назар, ҳар доим ҳам фикр ифодасининг тугаллигини кўрсатавермайди. Баъзан тугал фикр ифодаси икки абзац материалида берилиши ҳам мумкин. Бу унинг доимий бир хил бўлган модели йўклигини кўрсатади. Ана шуни эътиборга олиб, О.И.Москальская уни тил бирлиги деб атаб бўлмайди, деган холосага келади. Бундан ташқари, олима абзац ҳажми бир гапдан тортиб, бир неча сахифагача етишини ҳам эслатиб ўтади [Москальская О.И.: 31-32].

О.И.Москальская абзацининг нутқ бирлиги эканлиги масаласига ишора қилган бўлса ҳам, буни рўйирост айтмайди. А.Г. Фридман эса уни нутқ бирлиги тарзида тавсифлайди [Фридман А.Г.: 30-52]. Бизнингча, мазкур мулоҳаза билан қўшилиш қийин. Чунки абзац кўп жиҳатдан сўзловчининг нутқий услуби билан боғлик бўлади. Шундай бўлгач, унга тил бирлиги макомини бериб бўлмайди. Бундан ташқари, абзацин грамматик-семантик вокелик деб аташ ҳам муаммо тавсифининг факат маълум жиҳатларинингина ўз ичига олади. Е.А.Реферовская эса абзацин стилистик-семантик бирлик деб таърифлайди [Реферовская Е.А.: 91]. Бу ўринда,

Адабиётлар:

1. Ваников Ю.Н. Синтаксис речи и синтаксические особенности русской речи. – М.: Русский язык, 1979, 295 с.
2. Левковская Н.А. В чем различие между сверхфразовым единством и абзацем // Филол.науки, – М., 1990, – №7.-С.75.
3. Москальская О.И. Грамматика текста.–М., 1981.
4. Пешковский А.М. Русский синтаксис в научном освещении. – М.: Учпедгиз, 1938, 448 с.

албатта, унинг синтактик табиати эътибордан четда колади. Шунинг учун абзацин биз синтактик бирлик деб аташ мақсадга мувофик деб ўйлаймиз.

Абзац ўз лингвистик табиатига кўра мураккаб синтактик курилмадан ажралиб туради. Буни Н.А.Левковская куйидагиларда кўриш мумкинлигини таъкидлайди: « а) абзац матнинг муаллиф (сўзловчининг) прагматик нутқи назаридан субъектив бўлинишидир; б) мураккаб синтактик курилма эса матнинг прагматик омиллари куршовидаги бўлиниши тақозо этади» [Левковская Н.А.: 75.]

Ана шулардан келиб чиқиб, абзацин нутқининг алоҳида сатҳини ташкил этувчи бирлик сифатида тушунамиз. Бунинг учун куйидагиларга асосланиш мумкин: Абзац нутқ жараёнида шакланади. Сўзловчининг нутқий услуби маҳсули саналади. Нуткнинг гап, мураккаб синтактик курилма ва жумла (турли хил синтактик курилмалар, иловали ва парцеллятив структуралар, эллиптик курилмалар ва х.к.) каби бирликлари воситасида вокеланди.

Шуни ҳам таъкидлаш лозимки, абзацидан катта бирлик – бобни макрообъект тарзида белгилаш ҳам мумкин. Бошқача айтганда, абзацининг иерархик муносабатта киришуви масаласи ўзидан катта бирлик боб сатҳида талкин этилади. Курилиш материали боб саналувчи нутқ бутунлиги эса супермакроматнни тақозо этади. Мазкур нутқ материалининг, шу жумладан, бобнинг ҳам лингвистик табиатини ўрганиш нутқ лингвистикасининг кейинги тараккиёт даврларида маҳсус монографик тадқиқотларнинг текширув объекти бўлиши мумкин.



-
5. Реферовская Е.А. Лингвистические исследования структуры текста. –Л.: Наука, 1983, 214 с.
 6. Савченко А.Н. Лингвистика речи // Вопросы языкоznания, –М., 1986, –№3, с. 62-74.
 7. Солнцев В.М. Язык как системно-структурное образование. –М.: Наука, 1971, 292 с.
 8. Турниёзов Б. Ҳозирги ўзбек тилида тенг компонентли мураккаб синтактик курилмалар деривацияси: Филол. фан. ном. дис. ... автореф. – Самарқанд, 2006, 24 б.
 9. Фридман А.Г. Грамматические проблемы лингвистики текста. –Ростов н/Д, 1984.с. 30-52.

Хайруллаев Х. Об особенностях изучения объекта речевой лингвистики. В статье, наряду с предложением и его лингвистическим описанием, изложены взгляды на освещение речевых линий и составляющих их единицы. Здесь важное место занимают выводы на основе иерархических отношений речевых единиц. Были выдвинуты более новые механизмы исследования, как языковых, так и речевых. Как и предусмотрена максимальная единица языка, так же предусмотрена минимальная единица речи. Как большая единица, изучается сложная синтаксическая целостность и абзац. Также, выражено отношение о главе и иерархическом отношении в её структуре.

Hayrullaev H. About the features of investigating the object of speech linguistics. The article, along with the sentence and its linguistic description, sets out views on the lighting of the furnace lines and their constituent units. Here an important place is occupied by conclusions based on the hierarchical relations of speech units. Newer research mechanisms, both linguistic and speech were put forward. As the maximum language unit is provided, the minimum unit of speech is also expressed. In article there are studied complex syntactic integrity and paragraph as a big unit. Also, the attitude to the head and hierarchical relations in its structure is expressed.